

TUSI TAIALA

MO LE PULEA MA LE VA'AIA LELEI O I'A MA FIGOTA

O LE AFIO'AGA O

TAFATAFA MA MĀTAVAI

FALEALU

Setema 24, 2003

SAUNIA:

Pule mamalu a Alii ma Faipule ma tagatanuu o le Afioga o Tafatafa ma le Lagolagosua a le Vaega o Faigafaiva o le Matagaluega o Faatoaga ma Faigafaiva.

FAASOLOGA

1. Upu Tomua	3.
2. Autu	4.
3. Faamatalaga e uiga i le Afioaga	4.
4. Ituaiga Faigafaiva Taatele	4.
5. Tulafono a le Afioaga e fesootai ma le siosiomaga o le gataifale o Tafatafa	4.
6. Tapenaga o lenei Tusi Taiala	4.
6.1. Feiloaiga muamua ma le uluai fonu ma le afioaga	4.
6.2. Faatalatalanoaga ma vaega ta'itasi o le afioaga	5.
6.3. Komiti Faufautua mo le vaaia lelei o i'a ma figota (KFVL)	5.
6.4. Pasiaina o le Tusi Taiala	5.
6.5. Filifiliga o le Komiti mo le Mataituina ma le Faamalosia o Tulafono	5.
7. Fuafuaga Faataatitia	5.
7.1. la faamalosia tulafono faa-le-nuu e faasaina ai faigafaiva le talafeagai e pei o fanaia, avaniukini ma vaialaau oona.	5.
7.2. la faasaina le lafoai o lapisi i le sami ma le matafaga	6.
7.3. la faasaina faigafaiva mai isi afioaga	6.
7.4. la faasaina le toe fagotaina o i'a ma figota laiti	8.
7.5. la aoina ma faatamaia alamea	8.
7.6 la faasaina le toe faaogaina o mea manava (faguea) ma moliuila i fagotaga	9.
7.7. la faasaina upega ma tili mataninii	9.
7.8. Faasaoina o se vaega o le gataifale (Nofoaga Faasaoina)	10.
7.9. la iloiloina le tulaga talafeagai ma le lelei o le gataifale mo le tufaina atu ma le faafaatoaga o nisi figota	10.
7.10. Mana o Talosaga	11.
8. Maliliega	11.
9. Faamatalaga e uiga i le afioaga	12.
10. Siosiomaga o le Gataifale	12.
11. Ituaiga Faigafaiva e Faatino i Aso Uma	12.
12. I'a ma Figota	1.
13. Faamaumauga sa aoina i le Taimi o Faatalatalanoaga ma Vaega e Taitasi	1.
14. Sui o le Afioaga sa auai i Faatalatalanoaga i Vaega Taitasi	2.
15. Komiti o le Faasao	3.
16. Upu Mulimuli	3.

3

1. UPU TOMUA

O faigafaiva i Samoa e taua tele aua o se tasi lea o auala e maua ai le fofoga taumafa aemaise lava i nuu ma afioaga i tua. I le tele o afioaga, latou te le o faatauaaina le vaaia lelei o le tamaoaiga ma le siosiomaga o le gataifale. O le aumaia ma le faaogaina o ituaiga faigafaiva faa-onapo-nei e i ai mea manava, upega ma tili mataninii, ma vilavilau oona e faamata faigofie ai ma tele i'a maua ae o loo faatamaia ai le siosiomaga o le gataifale ma ona tamaoaiga. O le faatinoina foi o atinae i luga o le gataifale ua faaleagaina ai le tele o nofoaga ma le miliona o meaola o le gataifale.

O le polokalame o le faasaoina o le gataifale na amata mai e le ofisa o faigafaiva i le tausaga 1995. O le faamoemoe o le polodalame ina ia toe tapue mai le tamaoaiga o le gataifale ma puipuia ai le siosiomaga.

O taualumaga o le polokalame e aofia ai le soalaupuleina ma le fausiaina o se Tusi Taiala. O lenei Tusi Taiala o loo tamauina ai fuafuaga faataatitia a le afioaga ma le ofisa o faigafaiva. O nei fuafuaga faataatitia e unaia ai le pulea lelei ma fuafua tatau o le faaogaina o le tamaoaiga o Tafatafa ma Matavai.

O se vaaiga lea i malumalu tapuai o loo i le afioaga.



Ekalesia Metotisi



Ekalesia L.D.S.

O se vaaiga leni i le aoga tulagalua o loo le afioaga



Nene Primary School



2. AUTU

O le autu leni sa faatalatalanoaina ma malilie autasi i ai vaega taitasi o le afioaga;

**1. Ina ia puipuia le siosiomaga o le gataifale ma,
2. Toe faatupulaia le tamaoiga o le gataifale mo tupulaga o le
lumana'i**

3. FAAMATALAGA E UIGA I LE AFIOAGA

O le afioaga o Tafatafa ma Matavai e i le itu i saute i sasa'e o le motu o Upolu ma lona faitauaofai e tusa ma le 266 aofia ai matai, tina ma tamaitai, aumaga ma tamaiti. E le aofia ai i latou ua faimalaga atu i atunuu i fafo e i ai Niusila, Ausetali ma le Iunatie Setete o Amerika.

O Tafatafa e i ai lona a'au e mai lava i le itu i sasae seia paia le itu i sisifo i le mamao pea ma le 400 mita. O le umi o le a'au e pea ma le 3,000 mita mai le matafaga. O le vaega pito loloto o le aloalo e tusa ma le 12 futu i taimi e sua ai le tai ae 4 futu nisi o vaega o le gataifale pea oo ina pe le tai.

O lenei afioaga e mamalu tele ona pulega aua e puleaina e Alii ma Faipule lava a le afioaga. O le aumaga e lava saunia i taimi uma aua le tautuaina a matai, o tina latou te avatua fautuaga lelei mo ni mataupu tau lotoifale o le afioaga.

4. ITUAIGA FAIGAFAlVA TAATELE

E tele ituaiga faigafaiVa e mafai ona faatinoina i le aloalo o le afioaga o Tafatafa. O nisi o nei ituaiga faigafaiVa e i ai matatao, uaua malau (toso), ma le faaaogaina o upega (e tele ina faatinoina e alii) mo le fofoga taumafa a le aiga pe faatau foi. O le aoina ma le eliina o figota i luga o le aau o le galuega patino lava lea a tina ma le fanau mo taumafa a le aiga.

O le faatinoina o faigafaiVa-le-talafeagai e i ai fanaia ma ava-niu-kini ua matua faasaina lava i lalo o le pulega mamalu a Alii ma Faipule. E tutusa lelei lava ma le faaaogaina o tane mauulu ma mea manava (scuba gears) i fagotaga ua matua faasaina lava ona toe faatinoina i gataifale o le afioaga.

O le tele o i'a sa maua i aso ua mavae ua faigata ona maua i aso nei. O i'a o le aloalo e i ai lo, poge ma alogo, anae ma mataleele sa tele ma faigofie ona maua i le 30 tausaga talu ai. E oo foi i figota e i ai le sisi, faisua faapea sea, loli, mamao ma fugafuga sa tele i aso ua mavae. I le taimi nei, o nei i'a ma figota ua pau maualalo le faitau aofai ma e tele ni itula e faaaluina mo fagotaga faatoa maua se meaai mo le aiga, pea faatusatusa i le 30 tausaga ua mavae.

5. TULAFONO FAA-LE-NUU E FESOOTAI MA LE SIOSIOMAGA O LE GATAIFALE O TAFATAFA

O Tafatafa e i ai ona tulafono i aso ua mavae e faasaina ai faigafaiVa-le-talafeagai e pei o fanaia, ava-niu-kini, vailaau oona, lama moli-uila ma tane mauulu (scuba gears) ua matua faasaina ona toe vaai.

Ua faasaina foi tagata mai isi afioaga ona toe fagotaina gataifale o lenei afioaga. E ui lava ina ua i ai tulafono e pei ona taua, e le o atoatoa lona faatinoina ma lona vaai ona o le le aloaia e au faifaiva mai isi afioaga. O le isi itu o le mamao lea i tai o nofoaga o loo faatinoina ai nei ituaiga o faigafaiVa atoa ai ma auala o loo faaaogaina.

6. TAPENAGA O LENEI TUSI TAIALA

O lenei tapenaga sa saunia lava e alii ma faipule ma tagatanuu o Tafatafa faatasi ai ma ni fautuaga ma le lagolagosua a le Ofisa o FaigafaiVa o le Matagaluega o Faatoaga ma FaigafaiVa. O se ootoga lenei i le tapenaga o lenei Tusi Taiala ina ua maea ni fonotaga sa faia ua taua i lalo.

6.1 Feiloaiga Muamua ma le Afioaga.

I le amataga mai oe polokalame, sa faapea ona faatoai mai se finagalo o le Pule Mamalu a Alii ma Faipule i le Ofisa o FaigafaiVa e faailoa ai lo latou fiafia e auai i le Polokalame mo le Puipuia o Gataifale. O le Aso Lulu 20 Aokuso 2003 sa faia ai se feiloaiga muamua (fono) a le Ofisa ma le afioaga e faamalamalama ai le polokalame pe taliaina e le afioaga. O le fono foi lena sa auai ai le Faatonu Lagolago, Alii ma tamaitai Ofisa e taliaina aloaia ai se finagalo o le afioaga i le polokalame. O le maea o lenei feiloaiga muamua ma taliaina lelei ai e le afioaga le polokalame, ma fiifili

ai le Aso Lulu 03 Setema 2003 mo faatalatalanoaga ma vaega e tolu o le afioaga e aofia ai Alii ma Faipule, Komiti a Tina ma Tamaitai ma le aumaga.

6.2 Faatalatalanoaga i Vaega e tolu.

O le taua o lenei faatalatalanoaga ina ia vaevaeina le afioaga i vaega e iai matai, tina ma aumaga. O nei vaega e tolu sa faatalatalanoaina e sui o le Ofisa o Faigafaivaa. O le autu tonu o nei faatalatalanoaga ina ia mafai e le afioaga ona faailoa mai faafitauli o loo alia'e mai le siosiomaga o le gataifale o Tafatafa. Sa faapea foi ona sailia ai ma ni aafiaga ma ni mafuaaga o nei faafitauli. O ni fofo, faatinoga ma i latou e faatinoina nei fofo sa faailoa mai. O lenei faatalatalanoaga sa faia i le aso 03 Setema 2003.

VAAIGA I LE TAIMI O FAATALATALANOAGA I VAEGA E TOLU

6.3 Komiti Faufautua o le Faasao:

O le matafaioi a le komiti faufautua o le tuu-faatasia lea o faamaumauga ma faamatalaga mai vaega taitasi ma sa mafai ai ona latou tapenaina se ata faataitai o le Tusi Taiala.

TUSI TAIALA MA LE TUAOFAIGA O LE FONO MULIMULI

6.4 Pasiaina o le Tusi Taiala.

O le faagasologa atoa o nei fuafuaga fa'aatitia a le afioaga e aofia ai foi ma fuafuaga fa'ata'atitia e lagolagosua mai ai le ofisa o faigafaiva.

O lenei Tusi Taiala sa tuuina aloaia i le fono a matai e sui o le komiti faufautua ma sui o le ofisa o faigafaiva mo le pasiaina ma amata faatino ai loa galuega ma matafaioi a vaega taitasi. O le fono foi lea e filifilia ai loa ma le 'Komiti o le Faasao' e taitaia le faagaioiga o fuafuaga ua uma ona fa'ata'atitia.

6.5 Filifilia o le Komiti o le Faasao

O le komiti o le faasao sa filifilia mai i vaega taitasi i taimi o faatalatalanoaga, latou te mataituina fuafuaga faataatitia a le afioaga. E maea loa le pasiaina o le Tusi Taiala o le a faafesootai lava le ofisa ma le komiti i tulaga uma lava e manaomia ai le fesoasoani e pei ona autasi ma tamauina i le Taiala.

7. FUAFUAGA FAATAATITIA

O fuafuaga fa'ata'atitia o ni gaioiga ua faamoemoe e faaono foia ai faafitauli ua faaalua ma faailoa mai e vaega eseese o le afioaga. E lua (2) ituaiga o fuafuaga, ma o le fuafuaga ua aupito sili ona ta'ua o ;

- fuafuaga faataatitia a le nuu.

O le isi vaega o fuafuaga faataatitia o le ofisa o faigafaiva ma o nei fuafuaga o le tuuina atu o fuafuaga ma fesoasoani ini nisi auala e pei o aoga ma le tufatufaina o pepa o faamatalaga i mataupu e fesootai i le gataifale. O galuega uma lava e faatinoina e le ofisa o faigafaiva e ao ona faamaonia e le faatonu lagolago (Assitant Chief Executive Officer) a le matagaluega o faatoaga ma faigafaiva.

I taimi o faatalatalanoaga i vaega taitasi, e tele ni mafuaaga sa faailoa mai ae auga lava i le faafitauli ogaoga o le faaititia lea o i'a ma figota i le aloalo ma aau o le afioaga o Tafatafa & Matavai.

O mafuaaga ma o latou aafiaga i le siosiomaga o le gataifale sa faapea ona iloiloaina ma sailia. O tali o faafitauli ma fofo poo auala e foia ai na iloiloaina foi i faatalatalanoaga. E le gata i lea sa faailoa mai ai foi ma vaega latou te faatinoina nei galuega.

O le vaega i lalo o le a auiliiliina atu ai atoatoa fuafuaga fa'ata'atitia sa aoina mai i vaega taitasi ma tuu faatasia e le komiti faufautua ma le lagolagosua a le ofisa o faigafaiva.

Tulafono Autu Tau Faigafaiva (1988) : O le tulafono a le Malo o Samoa e ;

- (1) Faasaina o Faigafaiva-le-Talafeagai,
- (2) Faamalosiaina ai le Laiseneina o Vaa-Fagota.

Tulafono Faatonu Mo Le Laiti Faatapulaaina mo I'a ma Figota (1995) : O le tulafono lea e faatapulaaina ai le laiti o i'a ma figota, ma le fuaina o mata-uepaga.

Tulafono Laiti : O tulafono a le nuu ma afioaga ua amanaiaina e le Faamasinoga.

7.1 FAAMALOSIA TULAFONO FAA-LE-NUU E FAASAINA AI FAIGAFIIVA-LE TALAFEAGAI

Otootoga

Na faaalii e vaega taitasi i taimi o faatalatalanoaga o loo faaauuina pea le faaaogaina e faifaiva o fanai'a, ava niu kini ma vailaau oona i fagotaga. O nei faigafaiiva-le-talafeagai ua mautinoa lo latou tulaga ogaoga i le faatamaiaina o le siosiomaga o le gataifale, e pei o i'a laiti aemaise o nofoaga taua mo meaola o le sami e iai amu. O le faaleagaina o le gataifale mai nei ituaiga auala faa-faigafaiiva e umi ma tele se taimi e toe faafoi ai i le lelei sa i ai.

Fuafuaga faataatitia a le afioaga

Talu ai ona o le tulaga pagatia ua iai le gataifale o lenei nuu o Tafatafa o lea na ae ai se finagalo autasi i le komiti faufautua ina ia matua faamalosia tulafono a le afioaga e faasaina ai faigafaiiva-le-talafeagai e pei o fanaia, ava-niu-kini ma vailaau oona. O le puipuiga ma le faamamaluina o nei tulafono o le a i aao lava o le pule mamalu a ali'i ma faipule faatasi ai ma le lagolagosua a tagata nuu o le afioaga.

Faautaga

Ia toe fa'amalosia ma fa'amamaluina tulafono ua taua i lalo a le afio'aga mo le fa'asaina o faigafaiiva le talafeagai.

Tulafono

Mo le mamalu o le atunuu atoa ai ma tagatanuu o Tafatafa:

Ua matua faasaina faigafaiiva-le-talafeagai e pei o fanaia, ava-niu-kini ma vailaau oona ona toe faatinoina i gataifale o Tafatafa e amata mai i le tuaoi i sasae se ia oo atu i le tuaoi i sisifo o le afioaga.

Faasalaga

Mo tagata o le afioaga e solia lenei tulafono, o le a faasalaina i le \$100.00. O tagata mai isi afioaga o le a molia sao i le Tulafono Autu Tau Faigafaiiva ma le Tulafono Laiti a le ofisa o faigafaiiva.

Fuafuaga faataatitia a le ofisa o faigafaiiva

O le a fesoasoani le ofisa i le tufatufaina o pepa o faamatalaga i faigafaiiva-le-talafeagai aemaise ai o le faatinoina lea o suesuega ma moliaga o tagata ua faamaonia lona faatinoina o nei faigafaiiva i le faamasinoga a le Malo o Samoa.

7.2 IA FAASAINA LE TOE LAFOAI O LAPISI I LE SAMI MA LE MATAFAGA

Otootoga

O lapisi lafoai i le sami ma le matafaga e aveva ma ala e faamanualia ai pe lavevea ai aao o le afaifaiva. E le o se vaaiga matagofie o loo iai le matafaga ma le siosiomaga o le gataifale i le taimi nei, ma ua aveva ma tulaga e faaititia ai tagata tafafao mai e afea le afioaga. E le gata i lea o le faaleagaina ai o le siosiomaga o le gataifale ma faatamaia ai o nofoaga mo meaola o le sami.

Fuafuaga faataatitia a le afioaga

O le a faamalosia e le afioaga le faasaina ai ona toe lafoai lapisi i le matafaga ma le sami ae saunia ni galuega mo le afioaga atoa e faamama ai lapisi, e pei o le fausiaina o fatalapisi po o le eliina o se lua e lafoai i ai.

Tulafono

Ua matua faasaina ona toe lafoai lapisi ma otaota e pei o atigi apa, atigi fagu, uamea, pepa iila, ma soo se ituaiga lapisi lava e ono aafia i le siosiomaga o le gataifale.

Faasalaga

***Mo tagata o le afioaga e solia lenei tulafono, o le a faasalaina i le \$100.
O tagata mai isi afioaga o le a molia i le Tulafono Laititi a le afioaga e faasaina ai le lafoai o lapisi i le gataifale ma le matafaga.***

Fuafuaga faataatitia a le ofisa

O faamatalaga eseese e faatatau i aafiaga o le gataifale ma ona tamaoiga o le a fesoasoani atu iai le ofisa e aotauina ai le afioaga i le taua o le teumaluina o lapisi ma otaota i nofoaga talafeagai.

7.3 IA FAASAINA FAIGAFAlVA MAI ISI AFIOAGA

Otootoga

Ua maitauina le toatele o tagata mai isi afioaga ua latou fagotaina gataifale o le afioaga o Tafatafa. Ua le gata i lea, ua latou faatamaia foi le gataifale i ni auala le talafeagai ma ua utiuti ai le tamaoiga e maua mai aloalo o lo o faalagoalga iai le afioaga.

Fuafuaga faataatitia a le afioaga

Ua i ai se fuafuaga a le afioaga o le a faia se tulafono e faasaina ai tagata mai isi afioaga ona fagotaina o latou gataifale.

Tulafono

Ua matua faasaina lava tagata mai isi afioaga ona toe fagotaina gataifale o Tafatafa e aunoa ma se silafia poo se feutagaiga ma le pule mamalu a alii ma faipule i le tolu aso ao lumanai se faiva.

Faasalaga

O le solia o lea tulafono e molia ai le na faatinoina i le Tulafono Laititi o faigafaiva a le afioaga.

Fuafuaga faataatitia a le ofisa

O le a lagolagosua le ofisa i le suesueuina ma le faatinoina o moliaga o le ua soli-tulafono i le faamasinoga a le Malo o Samoa.

7.4 IA FAASAINA ONA TOE FAGOTAINA MAI IA MA FIGOTA LAITI

Otootoga

O le tele o afioaga ua latou faaalai mai le toatele o faifaiva latou te fagotaina mai i'a ma figota laiti. O le mafuaaga lea ua vave faaititia ai i'a ma figota, ona ua le maua se avanoa e tautuufua ma fanafanau ai nei meaola.

Fuafuaga faataatitia a le afioaga

Ua i ai le fuafuaga a le afioaga o le a lagolagoina le tulafono o faigafaiva mo le lapopoa faatapulaaina e fagotaina ai i'a ma figota.

Tulafono

Ua matua faasaina ona toe fagotaina i'a ma figota laiti mai le gataifale o Tafatafa & Matavai, e pei ona faaalai i le Tulafono Faatonutonu o Faigafaiva a le Malo o Samoa.

Faasalaga

O tagata o le afioaga e solia lenei tulafono o le a faasalaina i le \$100.00.

O tagata mai isi afioaga e solia lenei tulafono, o le a molia ma faasalaina i le Tulafono Faatonutonu o Faigafaiva a le Malo o Samoa mo le fua faatapulaa mo i'a ma figota.

Fuafuaga a le Ofisa o Faigafaiva

O le a fesoasoani le ofisa mo le tapenaina o tulafono laiti e faasaina ai le fagotaina o i'a ma figota e laiti ifo nai loo le fua faatapulaa o i'a ma figota aemaise pepa o faamatalaga e faamalamalama ai le puipuiga o le fagotaina o i'a ma figota laiti.

7.5 IA AOINA MAI UTA ALAMEA MA FAATAMAIA AI

Otootoga

O le alamea o se meaola o le ituaiga o le aveau ma e nofo i luga o le aau. O lenei meaola e na te aiina meaola ninii ua taua o POLIPE o loo tutupu mai ai amu. A oo ina faateleina le alamea o le a faapena ona latou faatamaiaina se vaega tele o le aau ma avea ai o se tulaga pagatia. O le a aafia ai le tele o meaola o loo faalagolago i le aau mo nofoaga ma meaai. E le mafai ona faa-umatia le alamea i le vaeveaina o lona tino i le sami aua e mafai e nei itu tino ona faatupuina mai ai nisi alamea fou.

E pau le auala e mafai ona tapeina ai lenei meaola o le aoina mai lea i uta i le pau matu e faamagoina ai pe tanuina foi. E mafai ona faaogaina lenei meaola o se faalelei eleele mo faatoaga ma mea toto.

Fuafuaga faataatitia a le afioaga

Ua faailoa mai e le afioaga o le alamea o se tasi lea o mafuaaga o le pe o le amu o le gataifale. E aafia ai foi le soifua o tagata faifaiva ma ua fautuaina ai e le komiti faufautua ina ia faatinoina le aoina i uta mo le faatamaiaina o lenei meaola faalafua.

Fautuaga

Ua fautuaina e le komiti faufautua o le aoina mai i uta o le alamea, o le a faatinoina lava lea e tagatanuu o le afioaga. O le faatinoina o lenei fuafuaga o le a aoina tai-ono masina alamea ma aumai i le pau-matu e faatamaia ai ma faaogaina ai mo le faalelei eleele.

Fuafuaga faataatitia a le ofisa

E leai se polokalame a le Malo ua fuafuaina e totogi ai le faatamaiaina o le alamea vagana ai ni fautuaga e fesoasoani atu ai le ofisa i auala talafeagai e tineia lenei meaola faalafua e ala atu i Pepa o faamatalaga ua maea ona saunia.

7.6 IA FAASAINA LE TOE FAAOGAINA O MEA MANAVA (SCUBA GEARS) MA MOLI-UILA I FAGOTAGA

Otootoga

Sa faaalai e vaega taitasi o le afioaga o loo maitauina pea le faaogaina o mea manava e pei o fagu-ea ma moliuila i faigafaiva aemaise lava i faifaiva mai isi afioaga. O nei ituaiga faiva ua masalomia ai ma le faaogaina faatasi ma faigafaiva-le-talafeagai e pei o fanaia ma vailaau oona.

E umi se taimi e māulu ai le tautai ma mafai ai ona tele se aofaiga o i'a ma figota na te maua. E oo atu i se tulaga faaletonu tamaoaga i le gataifale pe a faaauaina pea ona faaogaina nei ituaiga o mea fagota.

Fuafuaga faataatitia a le afioaga

Ua fautuaina e Alii ma Faipule atoa ai ma aumaga le taofia ma faasaina loa le toe faaogaina o moli-uila ma mea manava i faigafaiva (lama). Ua autasi foi le afioaga o le a fausia se tulafono e faasaina ai le toe faaogaina o nei ituaiga faigafaiva i fagotaga i po i gataifale o le afioaga.

Tulafono

Ua matua faasaina ona toe faaogaina nei ituaigafaigafaiva i fagotaga i le gataifale o lenei afioaga.

Faasalaga

O le le usitaia o lenei tulafono o le a molia ma faasalaina ai i latou i le Tulafono Laiti o faigafaiva o le afioaga o Tafatafa ma Mātavai.

Fautuaga

E fautuaina malosi le mamalu o le au tautai o le afioaga ina ia fuafua tatau le faaaogaina o le moli-uila i fagotaga i le po, aua ua mautinoa le ogaoga o ona aafiaga i le faaitiitia o i'a ma figota o le gataifale.

Fuafuaga faataatitia a le ofisa

O le a fesoasoani mai le ofisa e auala lea i faamatalaga e faamalamalamaina ai lenei mataupu mo le silafia o le afioaga. E le gata i lea a o le a fesoasoani le ofisa i suesuega ma molia o le ua faamaonia o loo solia le tulafono i le faamasinoga a le Malo.

7.7 IA FAASAINA UPEGA MA TILI MATANINII**Otootoga**

O le faaaogaina o upega ma tili mataninii ua maitauina le tele o i'a laiti ua faatamaia ai. Ua i ai le talitonuga o le a oo atu i se tulaga faaletonu i'a maua pe a faaauauina pea nei ituaiga faigafaiva. O le a oo ina faaitiitia i'a ma figota e mafai ona oo atu lo latou lapopoa e maua ai le avanoa e fanafanau ma tautuufua ai.

Fuafuaga faataatitia a le afioaga

Ua faailoa mai e le komiti o le faaaogaina o upega ma tili mataninii, o se tasi lea o mafuaaga ua faaitiitia ai i'a maua i le gataifale. O lea ua aiaia ai loa se tulafono ina ia faasaina ai upega ma tili mataninii ona toe faaaogaina i fagotaga i le gataifale o le afioaga. Ua faapea foi ona faalia mai e le afioaga lo latou matua lagolagoina o le Tulafono Faatonutonu o Faigafaiva a le Malo ua i ai nei mo le faatapulaaina o mataupega ma tili.

Tulafono

Ua matua faasaina lava ona toe fagotaina upega tatao e i lalo ifo o le 2 inisi (50 mm) lona mataupega faapea foi ma tili ia le i lalo ifo o le 1.2 inisi (30 mm) i gataifale o Tafatafa.

Faasalaga

*O soo se tagata o le afio'aga e solia lenei tulafono o le a faasalaina i le \$100.
Mo tagata mai isi afioaga o le a molia ma faasalaina i le tulafono faatonutonu o faigafaiva a le Malo o Samoa.*

Fuafuaga faataatitia a le ofisa

O le lagolagosua mai a le ofisa o faigafaiva e ala i lana polokalame fesoasoani, o le tuuina atu lea o faamatalaga e saga faamautuina ma faamaopoopoina ai lenei tulafono.

7.8. OGASAMI FAASAOINA**Otootoga**

Sa faalia e le afioaga, o le vave faatupulaia o le tamaoaiga ua tatau ona avea se vaega o le gataifale ma vaega faasao, e vave ai ona toe faatupulaia le faitauaofai o ia ma figota i le gataifale. O lenei vaega faasao o le a faasaoina ai amu, aau faapea foi ma i'a ma figota ina ia mafai ona maua e nei meaola le avanoa e tautuufua ma fanafanau ai.

O le autu taua lava, o le a avea lenei faasao ma :

- punaaga o i'a ma figota ae le gata i lea o le a,
- tuuavanoa lea mo le toe faaleleia o le siosiomaga o le gataifale.

O le a fanafanau ma tautuufua i'a ma figota o loo aumau i le vaega faasaoina ma tafea atu o latou fua fanau ma faatupuina ai, nisi meaola fou i nofoaga ua le maua ai ni ia ma figota. O le a le pine ona manuia ai i tatou ae faapea foi tupulaga o le lumanai.

Fuafuaga faata'atitia a le afioaga

O le a filifilia e le afioaga se vaega o le gataifale e faatinoina ai le vaega faasaoina. O le a latou fausiaina foi se tulafono e faasaina ai ni faigafaiva ona faatinoina i lea vaega. O le afioaga foi latou te mataituina ma faamalosia tulafono a le afioaga.

Tulafono:

Ua matua faasaina lava ona toe faatinoina soo se ituaigafaigafaiva, tagata lautele, solia pe uia foi e ni vaa fagota po o se isi lava ituaiga vaa i totonu o lenei vaega o le gataifale o le a faasaoina

Faasalaga :

O le solia o lenei tulafono e soo se tagata o le afioaga o le a faasalaina i le \$1,000. o tagata mai isi afioaga o le a molia sao ma faasalaina i le tulafono laiti o faigafaiva a le afioaga o Tafatafa.

Fuafuaga faataatitia a le ofisa

O le a fesoasoani le ofisa i le faatinoina o le iloiloga o le tulaga talafeagai o le gataifale mo se vaega faasaoina. E le gata i lea a o le tuuina atu o fautuaga ma faamatalaga mo le tausiga, pulea ma le vaaia o le vaega faasaoina o le gataifale o le afioaga. E fesoasoani atu foi le ofisa i le tapenaina o tulafono e puipuia ai le vaega faasaoina.

7.9. TUFAINA ATU MA LE FAA-FAATOAGAINA O I'A MA FIGOTA

O le tufaina atu, ua faatatau lea i le aumaia o ni figota poo ni i'a mai se isi atunuu ma tufa atu e faaola i se ogasami ua talafeagai. O le faa-faatoagaina ua faatatau lea i le faaolaina o figota i se nofoaga ua saunia.

O le tufaina atu ma faa-faatoagaina, o nisi nei o atinae mo le faatupuina o figota aua le fofoga taumafa o le afioaga. O nei auala faa-atinae e moomia ai lava le galulue filiga ma le faamaoni o le afioaga ina ia ausia se taunuuga lelei. Sa faaalua mai e vaega taitasi, o nisi o figota sa maua i lo latou gataifale ua tauau ina mou atu. O nisi o nei figota ua masalomia ua le toe maua i le taimi nei. O lea ua latou faatalosagaina ai nisi o figota e faa-faatoagaina i lo latou gataifale.

Fuafuaga faataatitia a le afioaga

Ua i ai le fuafuaga a le afioaga o le a latou mataituina ma vaaia lelei figota o le a tufaina atu mo le faa-faatoagaina i aloalo aemaise o le mautinoa lelei o lo latou saogalemu mai le faaleagaina.

Fuafuaga faataatitia a le ofisa

O le a fesoasoani le ofisa i le tufaina atu lea o figota e faa-faatoagaina i aloalo ma iloiloaina le tulaga talafeagai o le gataifale mo nei figota. O le a saunia foi ni aoaoga e faamalalamalamaina ai le olaga faa-natura o nei figota aemaise o le mataituina ma le tausia lelei.

7.10. MANA O TALOSAGA

Otootoga

O talosaga ma talitonuga tuufaatasi faa-le-lotu, o se tasi lea o faamoemoega ua talitonuina lona taua aua le puipuia ma le faasaogalemuina o le siosiomaga o le gataifale ma ona tamaoaiga.

Fuafuaga faataatitia a le afioaga

O le sao taua o le aufailotu, o le unaia lea ma faamalosiau i tagatanuu ina ia latou faatauaina le puipuia ma le faasaoina o le siosiomaga o le gataifale ma ona tamaoaiga. E taua tele lenei fuafuaga e tuu faatasia ai finagalo o tagata, ina ia galulue faatasi e foia faafitauli o loo aliae mai i le siosiomaga o le gataifale.

Ua lagolagoina foi e le komiti lenei fautuaga ma fautuaina ai le mamalu o le afioaga, o le a latou faamamaluina faatasi lea aso faailogaina mo tatalo ma anapogi a le Malo i tausaga taitasi. O ia tatalo ma anapogi o le a talosia ai laufanua, gataifale aemaise o tagatanuu o le afioaga i Samoa nei ma atunuu i fafo.

Fuafuaga faataatitia a le ofisa o faigafaiva

O le a mafai ona tuuina atu ni fesoasoani mai le ofisa mo le mamalu o le aufailotu e ala i pepa o faamatalaga ma tautalaga ina ia fesoasoani i le tapenaina o a latou lauga ma aoaoga mo le puipuia ma le faasaoina o le siosiomaga o le gataifale ma ona tamaoaiga.

Talosaga a le afioaga

O nei talosaga sa mafai ona tuuina mai e sui o le afioaga sa auai i fonotaga ma le ofisa i taimi o faatalatalanoaga i vaega e tolu. O talosaga uma foi la ua tuuina mai sa faamautuina e le Komiti i le latou fonotaga ma le ofisa. Pe a talafeagai, o nei talosaga o le a mafai ona iloiloaina e le Ofisa o Faigafaiva mo le faataunuuina pe a maea le taliaina o lenei tusi e le pule mamalu a ali'i ma faipule i le fono tele. O talosaga uma sa tuuina mai o loo faailoa atu i lalo:

- (a). Faisua
- (e). Ogasami Faasao mo ia ma Figota.
- (i). Tilapia
- (o). Aliao
- (u). isi figota.

8. MALILIEGA

Ua i ai le maliliega o le a galulue soosoo tauau uma vaega i le puipuiga o le siosiomaga o le gataifale mo le manuia o tagatanuu o le afioaga aemaise o tupulaga o le lumanai. O lea manuia e mafai ona maua pe a faatinoina uma fuafuaga faataatitia ua tamauina i le fuafuaga tatau mo le pulea ma le vaaia lelei o i'a ma figota o le afioaga.

Toe iloiloaina o lenei Fuafuaga Tatau Ototoga

O le toe iloiloaina o lenei fuafuaga tatau, e sailia ai le agai i luma ma lona toe suesueina ina ia faailoa le taua ma le aoga o lenei polokalame i totonu o nuu ma afioaga, aemaise o ni auililiga maumaututu i le tulai mai o galuega fai a le afioaga ma le ofisa i le faataunuuina o fuafuaga faataatitia e pei ona taua i luga. O lenei foi iloiloaga e lipotia ai le taulaumanuia ma ni fa'aletonu o le polokalame talu ona faavaeina i le afioaga.

Fuafuaga faataatitia a le afioaga ma le ofisa o faigafaiva.

Ua iai le maliliega a le Komiti faufautua a le afioaga ma le ofisa o faigafaiva o le a toe auililiina lenei fuafuaga tatau pe a maea le ono (6) masina talu ona pasia lenei tusi i le fono mulimuli. O le a toe feutagai ai le komiti ma le ofisa i se aso o le a atofaina pe a atoa le ono (6) masina.

9. UPU MULIMULI

O le auai o le afioaga o Tafatafa & Matavai i le polokalame mo le pulea ma le vaaia lelei o i'a ma figota ua mautinoa le manuia o le afioaga i ni tausaga o i luma. O le manuia ma le alualu i luma o lenei polokalame e faalagolago tele i le galulue faatasi o le afioaga; i le pule mamalu a alii ma faipule, komiti a tina, aumaga aemaise o le malo e tau ala mai le ofisa o Faigafaiva i le faatinoina o fuafuaga faataatitia ua maea soalaupule i le tele o fonotaga ma faatalatalanoaga sa faia.

O lenei polokalame o se galuega e umi se taimi e faatali ai ni tali faaaliali ma sona lelei, o lea e taua ai mo le silafia e tagatanuu o le afioaga. O i latou o le a talisapaia ma aeae i nei manuia o tupulaga o le lumanai o le afioaga. O lea ua ae ai se tofa i le afioaga e faia se polokalame faapenei a le malo e fesoasoani ai e toe tapue mai le sosia o le tamaoaiga o le gataifale o le afioaga ua tauau ina mou atu.

10. FAAMATALAGA E UIGA I LE AFIOAGA (TAFATAFA MA MATAVAI).

- **Faitau aofai o tagata.**

Ituaiga Faigafaiva	Taimi faaalu i fagotaga.	O ai e faatinoa nei faigafaiva.			O le faaaogaina o i'a/figota maua.		
		Alii	Tamaitai	Tamaiti	Aiga	Faatau	Aiga/Faatau
maulu & matatao	3 itula/aso				√		√
ofe	2 itula/aso	√		√			
upega	2 itula/aso	√			√		√
aoina o figota	3 itula/aso	√	√	√			
Faamatalaga Faaopoopo <ul style="list-style-type: none"> • Faigafaiva ua faasaina - ava niukini , tuiga, faamoa, tane mauu, lama moliuila • Faasaina foi tagata mai isi afioaga ona fagotaina gataifale o Tafatafa & Matavai. 							

Aofaiga
o Matai40
Aofaiga
o
Aumaga36
Aofaiga
ofaletua, tausī, aualuma 40
Aofaiga o tamaiti

150

- **Ituaiga o Ekalesia.**

Mamona
Metotisi

- **Aoga**

Tulaga Lua

O le toatele o nisi o le afioaga ua aumau i atunuu i fafo.

O loo maopoopo

11. SIOSIOMAGA O LE GATAIFALE

Umi o le aau

= 400 mita

Mamao o le aau mai le matafaga

= 3,000 mita

Loloto o le vaega aupito sili ona loloto o le aloalo pe a pe le tai

= 12 futu

Loloto o le vaega aupito sili ona loloto o le aloalo pe a sua le tai.

= 4 futu

Papau o le vaega aupito sili ona papau o le aloalo pe a pe le tai.

= 6 futu

Papau o le vaega aupito sili ona papa'u o le aloalo pe a sua le tai.

= 2 futu

12. ITUAIGA FAIGAFIIVA E FAATINO I ASO UMA**13. I'A MA FIGOTA**

Ituaiga I'a.	Ituaiga Faigafaiva	Taimi Faaalu.	
		Taimi nei.	30 tausaga.
Lo	Upega	3 itula	2 itula
pone	Maulu/matatao	3 itula	2 itula
Mataeleele	Upega	3 itula	2 itula
Tau'leia	Maulu/matatao	3 itula	2 itula
Malau	Maulu/matatao	3 itula	2 itula
Lalafi	Maulu/matatao	3 itula	2 itula
Fugausi	Maulu/matatao	3 itula	2 itula
Ituaiga Figota.			
Alili lapopoa	Ao	5 itula	3 itula
Faisua	Maulu/ao	7 itula	4 itula
Sea	Ao	5 itula	4 itula
Tuitui	Maulu/ao	3 itula	2 itula
Vaga	Maulu/ao	3 itula	2 itula

14. FAAMAUMAUGA SA AOINA I TAIMI O FAATALATALANOAGA I VAEGA E TOLU

Taitai o faatalatalanoaga : Talavou Tauaefa, Ulusapeti Tiitii, Mtaitusi Gaumatau.

Tusia faamaumauga : Totive Aloaina, Fosi Tolovae, Rena

Aso na faia ai: 03 Setema 2003

AUTU : PUIPUIGA o le SIOSIOMAGA o le GATAIFALE

Aafiaga

- o Leai se tupe
- o Tau leai ni taumafa sami
- o Lavevea mai alamea
- o Tele ina faamanualia tagata fagogota

Faafitauli

- o Faaitiitia i'a ma figota

Mafuaaga

- o Tele lapisi lafoai i le sami
- o Tele tagata fagogota (mai i isi nuu ma afioaga)
- o Leai ni i'a
- o Fagotaina o i'a ma figota laiti
- o Faaagaina o faigafaiva-le-talafeagai, vailaau oona, ava-niu-kini ma fanaia
- o Afa ma galu malolosi
- o Tuiga ma faamoa
- o O alamea
- o Le faamalasia tulafono a le Malo
- o Faaagaina o mea manava (fagu ea)
- o Lama moli-uila
- o Faaagaina o upega ma tili mata ninii

Tali

- o Faatupulaia i'a ma figota

Fofo o Mafuaaga

- o Faamalasia tulafono a le afioaga e faamama ai le lapisi

- Aoina le lapisi
- Tulafono e faasaina ai faigafaiva mai i isi afioaga
- Faasaina tuiga ma faamoa
- Tulafono o le fua faatapulaa o le lapopoa o i'a ma figota
- Faamalosia tulafono
- Mana o talosaga
- Aoina o alamea
- Faasaina o upega ma tili mata ninii

Faatinoga

- Faamalosia tulafono
- Faia se ogasami faasao
- Fautuaga ma faasalalauga i isi nuu ma afioaga
- Fausiaina tulafono faa-le-nuu ma le Malo e faasaina ai faigafaiva –le-talafeagai e pei ona taua aemaise o nisi o tulaga e ono aafia ai le gataifale i se taimi umi.
- Mana o talosaga

O ai e faatinoaina?

- Pule mamalu a Alii ma Faipule
- Komiti a Tina
- Aumaga
- Ofisa o Faigafaiva (sui o le Malo)

15. SUI O LE AFIOAGA SA AUAI I FAATALATALANOAGA I VAEGA E TOLU

Matai:

Alaimoana Esau	Taito Moega	Mulivai Aleni
Rev. Koki Mate	Saoleititi Mailo	Saoleititi Puiai
Leapagatele Fili	Tuiofelua Falo	Salea Iosefa
Leapagatele Amio	Leapagatele Eteuati	Leapagatele Alema
Falaila Soe	Manu Perosa	Salea Iliafi
Moega Faifili	Tauveve Paoa	Alovale Mareko
Siliva Tanufoa	Fotuoseugogo Peni	Tapumaivasa Alatisa
Sagaga Pu'a	Tuiofelua Mataumu	Mosololo Fesuiai
Siliva Maluafiti	Leapaga Malupo	Leapaga Sarai
Tuua Segia	Tuua Aperila	Alovale Taeao
Tapumaivasa Pisone	Alaimoana Alofa	Tuiofelua Malo
Ulamanaia Faaiu	Fuialo Sinuanua	Vaasau Lanu
Usoalii Fealofani	Charles Swindill	

Aumaga :

Levi Levi	Felaga'i Siliato	Sisomea Siliato
Malaki Malaki	Petelo Sa'o	Asiasiga Tafili
Tama Nofu	Salufoe Mulivai	Tauilili Fitu
Esekiu Lauulu	Olago Talo	

Komiti Tina :

Saline Su'a	Lise Alaimoana	Pila Leapagatele
Peti Tauveve	Kate Windett (Peace corp Volunteer)	
Salusalu Peni	Talamoni Emele	Faamotu Tama
Mesepa Tapu	Mareta Levi	Nie Sefo
Asiasiga Mose	Leata Sale	Ella Malaki

16. KOMITI O LE FAASAO

Pulenuu : Moli Sagaga Faasua (telefoni 41126)

Taitai Komiti : Siliva Maluafiti

Sui Taitai : Siliva Tanufoa

Sui o Matai: Faletoa Tama

Sui Taulelea : Olago Talo, Malaki Malaki, Ioane Leapagatele, Levi Levi.

